

和縣志卷十一

藝文

至理著於名言藝文其散見者也古之君子性靈無滯
聞見淵博故能因物取義比類屬詞如宋廣平梅花一
賦蘇味道見而許為王佐才此其高唱絕俗固不必求
知己於異代而文以人重抑且並志於東川殆非和邑
之所得而私矣自是而後才人繼執其道彌篤衆家之
作日以滋廣大都志向迥異風韻殊別或匡事論事而
抒忠愛之忱或撫景興懷而寓幽貞之志觀其體勢亦

可概其生平故擇其尤雅者以次而萃輯之有能留心
著述自成一家以見志者亦為詳載其集目以示勸馬
志藝文

灋水石橋記

隋失名

以前闕我皇帝垂衣秉歷經地補天二曜連暉五精合
彩輕徭緩賦仁被草木好生惡殺澤及豚魚灑法雨以
潤羣生建寶幢而導默首四民迎化九服從風涖州南
和者星膺胃昂地連趙魏水陸交會人物殷阜斜眺
衡漳金鳳凌波而釋色却瞻瀛碣玉馬映雪以騰光於
斯時也使持節儀同三司刺史辛公以明德上才寡惟
此境公名懋字士信隴西狄道人風神秀起雄圖傑出
博覽書傳總括藝能行成規矩言為措則是以曳裾棘

座高步礼園市朝遷革位望弥重建旗之部威惠俱行
名閑憲章深練治体推誠化下竭心奉一奸豪悚疊黎
庶來蘇翊軍將軍司馬田威馮翊廣陽人也志業平允
操履廉白舉目持綱弼諧蕃政野絕帶牛之暴市息飲
羊之欺又有宣威將軍縣令馬君以美譽清風製錦斯
邑君名暉字士暉扶風始平人器量宏深風韻清舉信
義聞於州里孝弟著於閨門歷官二朝頻宰三邑明於
剖斷善於綏養留心庶獄小大以情冠盜出奔囹圄空
寂故使鄉閭郭睦風俗和平家誠廉恥人知礼讓芄芃

之麥競秀兩岐泄泄之雉共標三異縣尉兗州陶縣孔
經州高平縣魏君避並地望清華人才謹素堂官理
劇煩而不擁縣城之北有澧水焉其水也上引七里之
源旁吸百泉之口控清引濁冬溫夏涼噴氣朝興則日
日晝閣澄波夕映則朱霞夜朗厥水上虽有舊橋毋
經乏漲隨流漂瓌車牛隘溺行李艱辛有縣老人宋文
彪等悟鏡象之非真知水泡之難駐薰修十善回向一
乘各竭貲產兼相勸化敬造石橋以濟行者以開皇十
一年龍集於淵獻月躔於降婁安共經始數年乃就碧

桂浮空烟雲等色金隄枕浦杞柳交陰浩浩乎似應龍
之導盟津戔戔乎若靈鼉之冠方文以此善因廣度危
難仰願皇帝陛下尊居太乙

唐皇后配象陰精

德高任姒皇太子比曜前星三善光備内外文武州縣
官察法界含生咸蒙斯福竊以洛陽路首猶傳起之
書成都柱下尚題長卿之筆况復業隆邃古功濟生民
下有標揚孰宏勸獎於是立碑路側以彰厥功樹之風
聲懸諸日月其詞曰星漢西轉川瀆東傾疏導雲及泮
梁乃成悠悠行道隱隱車声虽言利濟詎免危城一大

悲極物竇珠斯現瀉水疑瓶貫花似縱深宏利益廣開

方便若斷疑網能除毒箭二其我皇負宸居臨萬方下調

玉燭上叶珠囊自環獻祉丹書效祥藻心元寂邁彼輪

王三其邨戰北走澧淵旁射桑麻隱挾川疇平易是稱爽

愷寔為滋液士女達衽車馬 跡四其明明州將垂恩不

已憂國若家視氏如子溫其玉潤油然雲起竹馬赴期

蒲鞭示耻五其穆穆良宰達於從政導之禮樂申之法令

行令韋絰清同水鏡盜賊休止默黎歌咏六其以後闕

藝文上

梅花賦

宋璟

垂拱三禩余春秋二十有五戰藝再北隨後父之東川
投館官舍時病連月顧瞻危垣有梅一本敷葩於羣莽
中喟然嘆曰嗚呼斯梅記非其所出羣之婆何以別乎
若其貞心不改則是可取也已感而乘興遂作賦曰高
齊寥聞咸安山深景翳以斜度風悄悄而亂吟坐窮
簷而無朋進一觴以孤斟步前除以手于荷藜杖於墻
陰蔚有寒梅誰其封植葉未綠而先葩發青枝於宿析

擢秀敷榮冰玉一色胡雜沓乎家草又蕪沒於叢棘匪
王孫其見知將潔白其何極若夫瓊英綴雷絳萼著霜
儼如傅粉是謂何郎清馨潛襲疎葢暗臭又如窈香是
謂韓壽凍雨晚聯宿露朝滋又如英皇泣於九嶷愛日
拱晴明蟾照夜天如神人來自姑射煙海晨昏陰霾晝
閉又如通德掩袖擁髻狂飈捲沙飄素擢柔又如綠珠
輕身墜樓半開半合非然非言溫伯雪子且擊道存或
俯或仰匪笑匪怒東郭順子正容物悟或樵悴若靈均
或歌傲若曼倩或妖媚若文君或經盈若飛燕口吻雌

黃擬議迨遍彼其藝蘭兮九畹采蕙兮五作緝之以芙
蓉贈之以芍藥玩小山之叢桂掇芳洲之杜若是皆物
出於地產之奇名著於風人之託然而艷於春者望秋
先零盛於夏者未冬已萎或朝間而速謝或夕秀而過
衰曷若茲卉歲寒特妍冰凝霜沍擅美專權相彼百花
孰敢爭先鶯語方蟄蜂房未喧獨步早春自權其天至
若措迹隱深寓形幽絕耻隣市塵甘避岩穴江僕射之
孤灯尚寂不怨棲遲陶彭澤之三徑投閒曾無悵結貴
不移於本性方有儷於君子之節聊染翰以寄懷用垂

示於來慈從父見而勗之曰萬木僵仆梅英載吐子善
理物永保貞固

宋文貞公神道碑

唐顏真卿

於戲逆鱗劇止匡救之義深守死不回人臣之致極况乎文章風雅道濟生靈建一言而天下倚平含九德而三光式叙超衆友而獨立者其為廣平公乎公諱璟字

邢州南和人其先出於殷王元子七代祖弁魏吏

部尚書襲列人子祖欽道北齊黃門侍郎并事跡崇高各在本傳高祖元節定州田曹曾祖宏峻大理丞祖務本櫟陽令父元撫衛州司戶贈戶部尚書自由曹至尚書皆寶渚於名而位不克量事見許公蘇邈所撰神道

碑公七歲能屬大一遍誦鵬鳥賦丁尚書府君憂水漿
絕口者五日八九歲時嘗夢大鳥啣書吐公口中喬而
之逐乘而直上條忽驚寤猶若下在胸間自後藻思
日深襟靈益爽年十六時讀易曠時不精公遲而覽之
自亥及寅精義必究明年登進士高第補上党尉轉王
屋主簿相國蘇味道為侍御史出使稍擇判官奏公為
介公作長松篇以自與梅花賦以激時蘇賞嘆之曰真
王佐才也轉合宮尉長壽三年從調判入高籌有司時
聞天后親問所欲公以代為唐臣不求榮達詭奏云家

本山東願為國之一吏遠手詔授錄事參軍拜舞趨出
既而詔遂又手詔拜監察御史裏行尋丁濟國太夫人
憂服闋築室反耕志圖不起俄而即日遷殿中侍御史
同列有博於台中者將素名品而黜之博者惶恐自匿
翌日公独正辭引過天后悅而釋之遷天官員外郎鳳
閣舍人御史中丞乃謂所親曰吾比欲優游鄉里不圖
要近驟至於斯其敢廢所職乎乃悉心納忠無所迴避
時張易之昌宗兄弟席寵腸權天下側目公危冠入奏
奮不顧身天后失色倉惶欲起公叩頭流血誓以死爭

拾遺李邕奏曰陛下坐則天下安起則天下危內史令
勅公出公曰天顏咫尺親奉德音不榮宰臣擅宣主命
詞氣慷慨左右震悚遂俱詣台廷立切責二堅服栗氣
索不敢仰視自朝至於日是勅使持杖之公不得已而
罷又令詣公謝罪公拒之後有慘恤二堅束帛公辭曰
貴近不宜與執政趨問假滿朝士慰公二監人欲序進
公舉板楫之不得成禮而去神龍之興復也公寔佐其
謀及當酬庸讓而不受曰清宮闕罪事

夏中興功歸明主非曰逃賞誰敢貪天俄拜朝散大夫

吏部侍郎兼諫議大夫遷黃門侍郎嘗遇梁王武三思於朝三思方歆公正色曰之曰當今復子明辟王宜以侯就第何得上干朝政三思慚懼而退請急累月俄而兼攝尚書左丞中宗將幸西京深虞北鄙及兼檢校并州大都督府長史又改兼貝州刺史與數人同辭三思独称公住顧之曰諸公已出不可獨留遂揖之而去屢年穀不登國租罷入三思食邑公悉蠲之既屢挫其鋒亦處之自若俄而真罷轉杭州又遷相州為洛州長史唐隆初拜吏部尚書同中書門下三品粵五日兼右

庶子尋加銀青光祿大夫元宗之在儲闈鎮國太平長
公主潛謀廢立嘗於光範門 步担山諷宰相以此旨
諸相失色英敢先言公盛氣詰之曰春宮有大功主安
得異議遂奏婦人于政恐生禍階請不令朝謁俄而男

又從橫公奏之繇是貶楚州刺史主亦意以凶終無
何復拜銀青厯魏兗冀一州兼河北按察使尋遷幽州
都督兼御史大夫復為魏州入為國子祭酒東都留守
開元二年拜御史大夫兼京兆尹貶睦州刺史轉廣州
都督克按察經畧討声使又兼御史大夫特許便宜從

事前是首領桀驁多據洞不賓公之下車無敢不說彼
之風俗借趨苟簡茆茨竹櫨比居鱗次火災歲趨煨燼
無餘公教之度材變以陶瓦千甍齊奠萬堵皆興于今
賴焉燕国公張說為碑頌無何使中使揚思勗召公公
拜思而就馬復行在路竟不交一言思勗以素昔貴俾
泣於帝帝嗟嘆久之拜刑部尚書四年遷吏部兼黃門
監監修國史明年同平章事又明年駕幸洛陽至三峭
谷隘不治得前河南尹李朝隱知頓使中丞王怡並坐
當降黜公奏曰若致罪二臣將來必受其弊遂命公捨

之公曰陛下責之以臣免之是過歸於上恩由於下臣請且待罪然後俾其後職遂嘉而從之元宗嘗命公名諸皇子及公主主色撓既而又令公各定一美名公奏七子均養鴈鳩之德錫以名撓不宜有珠若母寵子異恐非正家之道王化所宜元宗悅而從之八年拜開府儀同三司進爵廣平郡開國公策勲上柱國狂監權梁山擒逆長安有司深探其獄勅公按覆如京兆司錄李如辟等百餘家皆以借宅假器悉當連坐以婚姻假備天下大同至於京城其列尤重知情即是同反無罪不

合論辜梁免之外一切原免天下欣服馬中書令河東
公張公傑出將相之材獨運廟堂之王鏡机朝澈見事
風生求公規模恣閱堂案每危言詭議執正至守中未
嘗不廢卷失声流汗洽背其為通賢所服也如此十三
年駕幸東都以公為西京留守公極言得失無有所隱
元宗感悅制曰所奏之言置諸座右出入觀省以誠絡
身罔賜綠物二百匹明年又兼吏部十七年拜尚書右
丞相雅善劇謔不常務莊與故尚書王綏莫逆之友
晚而弥篤九所誣譖人輒疏取端午日蒙賜鍾乳命盃

歸鍊或以上葯殊異不宜委之公曰推誠求信猶懼不
應猜以待人信其可得聞者慙退二十一年抗疏告老
至於再三手詔優遂時給全祿賜絹五百匹還東京公
以為大臣歸休不宜閔通人事遂杜絕賓客其年駕幸
洛陽公拜迎道左元宗親駐龍蹕使榮王琬勞問者數
回自後中使往來賞賚不絕方崇乞言之興以極歸臣
之敬二十五年仲冬月十有九日寢疾夢於東都明教
里第享年七十五天下失声元宗震悼追贈太尉謚曰
文貞公賻物米粟常数有加喪葬官供仍詔河南少尹

崔釋之克監護使大大齊國夫人博陵崔氏滄洲長史
藝之女淑慎嚴整高明柔訓克諸子而慈且有威佐丞
相而德無違者門內之理一以見咨俾公而歿允終偕
老嗚呼公有七子復同州司功先功而卒昇尚書郎大
僕少卿尚漢東太守渾職方郎中諫議大夫御史中丞
東京畿採訪使太子左諭德怒都官郎中延太原少尹
華判入高等登封尉尉氏令衛右散騎常侍兼御史中
丞河西節度行軍司馬或肅或文或哲或乂克篤前列
以休令聞以戊寅歲五月二十九日處奉遺約歸葬於

沙河縣太尉鄉丞相原之先堂大人合而祔之禮也。惟公間氣降神，應期傑出生。知禮度天縱，才明王立殿。天子之邦介，然乘大臣之節。震電憑怒說言，而不有厥躬。鼎鑊沸前，臨事而義形於色。蠹迪檢押，難常情之所易。志深直諒，易古人之所難。外其身而富貴不離，行其道而死生勿替。非大舍一之德，格於皇天不二之心。形於造次，則何以異是乎？允所謂振古之元龜，皇王之威寶者矣。且夫公之德烈克塞，寰宇公之謀猷著明。日月大歷五年冬十二月，孫嚴懼遺盛美不遠，求蒙以真卿大

祿校文叨太僕之下列憲台執簡承諭德之深知虽青
史傳信寔祿已編於方冊而豐碑勤銘表墓願備於論
譔謹憑吏部員外郎盧俱所上行狀畧陳萬一多恨闕
寔其辭曰天命元鳥降而生商湯孫之緒微子分彊詞
招正則尉冀文皇吏部黃門綸論耿光忠賢世出信史
相望馬生丞相祚我有唐文明純嘏毅烈堅剛恒衛間
氣星辰降芒嶷然山立堅尔金鏘忠孝之盛人倫紀綱
垂髻能文夢鳥發祥通夕究冲齡擅塲勝冠結易綬歷
政洋洋乃尉合宮貳軫琅賦啜梅艷篇美琅松長蘇公

嗟稱才必佐王滿歲從調試言高驟發聞敝展驟列綉
裳遙跡天官如珪如璋司鳳閣綸綍煌煌乃作中言丞
威稜莫當志除克狡延幼二張太后愕貽百察震惶公
獨凜然出身激昂義形言色精貫穹蒼皇室中興嘉謀
克彰功成牢讓事軼屠羊貳我選曾諫諫匡是載清流
品屢奏封章乃侍鎖聞時維夕郎志心糾正庶績咸康
三思睢時席寵于常甚之就第慙懼元左靡曾掇轄大
函于襄兼刺貝邱朋辭荐行三思揖語公独循牆處之
不作轉旆于抗既遷鄴城遂尹洛陽乃作家宰訏謀廟

堂俄兼公相亟縮銀黃元宗登儲鎮國是遑潛謀廢立
謠詠相翔厥男撓政累奏愆殃聿臨楚邦荐察冀方總
督幽薊翻飛國庠亞相烈烈尹京趨趨旋臨建德歛蒞
南荒俚師咸旣茅擗是攘張公頌德雋永甘棠中使來
召拜命卽裝路無交語帝用式臧載司刑吏八座柳楊
兼監黃橫釣軸是將匪躬蹇蹇終始洗洗乃拜儀同允
釐保障河東閱故汗洽如漿狂堅犯閔兗渠旣臧命公
覆獄咸脫死亾乃陟右揆右揆洋洋每謔王君豈名矜
莊縣車吾老底可康強方崇饋醕孤按縑網天不愆遺

蘇林 卷十一
廿四
姜哲壞梁一人震悼九有淒涼市既罷賈春乃絕糧乃
贈太尉飾終禮滂返葬沙河羽儀央央闔朝傾祖河尹
護喪生榮死哀行路感傷合人孺慕攀泣嚶嚶高墳崔
嵬鉅鹿劇旁森梢宰樹繚繞連岡吁嗟廣平宅此不踴
孝孫翼論撰縻忘豐碑碣豎萬古訾相

仙井記

元柴登邑人隱士

井以仙名記異也何異爾與家不同也南和城北有古
台台上有井深不可測井北有神祠未詳其所始按蔡
氏補正水經云澧水東過南和城北有井水與地平歲
旱禱之輒應俗目為仙井即此地也余家是邑日常遊
覽具得其寔至正甲午自秋八月不雨至於夏六月大
無麥與苗人憂其失業官懼其政隳邑令尹泰倡僚吏
父老輩涓潔走羣望禱於是祠是月而午果雨民大悅
越三日己酉令乃諭於衆曰令旱而禱禱而雨是使飢

重修東嶽廟碑記

順德屬邑南和城北澧水之陽東韓里有東嶽廟廟有
隋開皇中記石橋碑二以故相傳謂廟亦始是天朝初
興嘗一新之荅更風雨上亭窅滿窳用摧毀至正初道
士傳德元以里民請結庵廟側乃惻然諭於衆曰五嶽
莫崇於泰山古之王者禘祀爵封各有次第唯諸侯則
祭封內山川此人之所以得知也今天下無遠近皆有廟
廟有祀者此人之所不知也傳不云乎泰山之雲不崇
朝雨徧天下礼有大功德於民則祀之人民食所自莫

有不祭况吾人之田無旱乾水溢之害而取財不之者孰非非神之功乎知神之功法虽不可祀而義有不容已者亦報本反始之意也故象設屋貯蓋亦萃其誠敬之心而仍其地壞不沾可乎于是遠迩聞之如出一口當者割財貧者効力畚土伐木鳩工趨事不數月告成為殿凡三間崇卑修廣不與程度門屋垣墉室庭階祀丹青黝聖巍然煥然卑息蟬聯扁鋪堅緻燕雀不擾孤鼠皆去樹木陰森垣蟬幽宓称神之樓架盛豐潔享祀有節神其昭格泉情悅豫顧瞻赫奕有加於前寔至正丁

亥秋也越十二年壬辰自正月不雨至於四月邑令率僚屬禱於廟即日而雨民悅大賜歲用以登既而余曰鬼神之神德無手不在今師能修舉廢墮使一方之民旱而祈祈而雨神之報貺者昭然矣祀之者非民之心乎復之者非師之功乎神叶而人和非有司之慶乎宜鑿石以示將來師南和人少舉進士不樂去隱黃冠中然非素志故所至多起廢功今年畿八十尚好學無捲銘

曰

巖巖秦嶽 實為岱宗 保彼東方 受取厥封

乃脊西顧 伊古邢城 岐宇崇壩 神宅有恤

揆茲厥土 云誰肇墓 肇基奠位 式昭靈祇

靈祇昭格 秩祀郁郁 垂耀來今 永受遐福

日往月邁 民用靡恒 民用靡恒 棟折榱崩

有美碩人 聿來斯所 載經載營 能事就緒

能事就緒 丕衍前功 爰輯厥用 罔非來同

百陪斯舉 不愆於素 妥靈惟肖 豆登畢具

神寢孔安 將之享之 神人戾止 和樂且儀

樂且有儀 新廟奕奕 尚期同志 鑒茲銘石

柴孝子墓碑

元董樸

古今姓纂柴為姜姓齊太公子名高孫奚又王父字為氏十代孫高柴仲尼弟子孫舉又以父名為王柴氏宋興有名宗慶者尚太宗女魯國長公主除左牽牛衛將軍駙馬都尉至宋末鄉正府君之曾祖始居南和之柴壘府君名福大姿端慤不由學問而孝弟忠信克謹敦篤自有以過人者親有疾色不滿容尋匠求藥誠懇切至不飲酒不如葷疾止復初其於宗親兄弟甚有恩義少有忿爭與人交真寘無妄不逆其詐若府君者可謂

善人君子矣歲癸丑夏五月乙未以天年終妻胡氏再
娶孫氏事舅姑恭敬盡禮理家事勤約不懈待遇族姓
謙謹柔和鄉邦稱之子二人長曰善性謹厚有父風事
親至孝教子弟循循有序望之儼然即之溫然無疾言
遽色無窘步惰容虽遇臧獲不妄言笑自少至者如一
日其弟彬早歲讀書及長有才幹給事縣中以廉謹自
將事上能敬御衆甚寬居家孝友篤志與人交恭而能
久孫三人添源懋皆能事親敬長得其歡心曾孫五人
懿真簡懋其一未名元孫二人尚幼一日源懋狀府君

之行賓請文以紀府君之德刻之貞石昭示方來余雅
文府君恬淡寬厚人少見其喜怒又能折節下士曲盡
其情鄉里推為長者凡狀之所載與余所聞實相發明
謹叙而紀之

崇祀先賢疏

明宋

佳長史文貞公十八世孫

為崇祀先賢以申孝思事臣浙江浙寧波府奉化縣人
申舉人歷任國子監監丞陞任今職臣十九世祖宋璟
直隸南和人任唐為名丞相封廣平郡公謚文貞曾孫
嗣宋為奉化縣令因世變不得歸遂入奉化縣戶籍宏
治十七年直隸順德府南和縣知縣朱銳因被戶絕無
人閔取族弟宋伍來南和縣奉化有祠堂在文廟西邊
原是鄉人仰慕春秋私自祭祀正德十年知縣李希夔
備陳緣由奏請祀祭以勵風俗蒙武宗皇帝准令翰林

院撰祭文一通南和縣歲辦祭物每春文廟祭畢致祭
一次天恩至渥也臣者為子孫者感恩刻骨但彼時所
奏欠查事例今查得宋朝名臣范仲淹蘇州府人見蒙
勅賜春秋二祭趙抃浙江衢州府人亦蒙勅賜春秋二
祭臣先祖德業文章古今所共知實與宋二之臣相等
追蒙典與二臣不同每且於心幸遇皇上嗣登祭大寶
政教一心褒祀功臣正天下仰望之時也如蒙準奏乞
勅禮部此照前例行令南和春秋二祭著為定禮如此
不為先賢均受朝廷崇祀之恩實足以勸天下人臣之

忠也又徽府相去南和縣不過七八日路程再乞皇上
憐憫客臣往彼祭祀一次即回任供職不惟臣得遂射
獵報本之心亦足以勸天下子孫之孝也

泰昌年號疏

李若珪

邑人給事中

為殿下之正位任即先帝之年號當講殿下明日登極登極之日即定年號之日前先帝登極詔以明年為泰昌元年預先朝臣皆知今去登極纔半日耳其用何者兩字為元年已擬上否已蒙欽點否職等皆不之知禮部亦不知之此等大事禮部當會議禮科亦當與聞此始勿論惟是先帝在位雖僅一月而善政遍滿已定千秋豈可使年號之不存昔建文無年號人心至今不平豈可今日又有此大缺大謬職有一得之愚啟之殿

下商之同朝謂除明年正月初一日為殿下紀元之始
今年自八月初一日先帝登極之日以至十二月終斷
宜借之先帝俱稱泰昌元年萬曆年號自今年七月終
止則是先帝之年號既不虧萬曆年位之實數又不妨
殿下明年之稱元誠至梗也造曆在即時刻難緩懇乞
令諭閣部即速會議上謂仍諭該部傳示內外臣民自
今以至年終一切文書俱稱泰昌元年可也

重修廟學記

順德南和重修廟學成鄉貢士高堅走京師請於余曰
邑治東南相離百步許舊有廟學肇建於洪武元年再
葺於永樂十年厯歲滋久風雨震凌日就圯傾每大昕
鼓徵春秋釋奠師生幾無以為庇依而供祀事其間名
能有司者惟急於催科敏於聽斷以苟免大官之督責
則訑訑然以為已之能事畢矣其視廟學之興替若長
物臨然海陳世良以名進士來知是邑視篆之二日
謁廟視學顧瞻靡寧慨然以修舉廢墜為己責值歲稔

民病木即鳩工越明年歲豐民樂侯乃鳩工聚材首建大成殿五間崇三丈五尺而廣倍之深三其廣之數而殺其一殿之前為戟門若干間攬星門若干間殿之旁翼以兩廡共若干間殿之後構明倫堂若干間堂之左右翼以兩齋各若干間其後為饌堂為神厨為神庫為習射之圃為接止之廬以間計者共若干撤故鼎新舉合程式塑宣聖及四配十哲之像與凡簠籩豆罍爵之器几案帷幔之屬無不畢具經始於丙辰之春迄工於丁巳之秋高明宏壯聳觀遐邁蓋自邑有廟學以來

未之有也候之作新學校如此他如每鄉設立社校為之擇賢師以教民子弟引戶計課丁之植桑棗以供衣食築堤坊於小戶村以捍橫流而民免漂溺之災開河渠三十里以備早滌而田賴灌溉之力增浚城隍創建樓櫓而保障有具預備倉糧數盈鉅萬而凶荒有備嚴於巡邏而盜賊屏跡勤於撫綏而流通復業減馬場無名之賦均九等徭役之法候之惠利吾民又如此大世之違道以千百姓之譽者往往立奇事釣奇名勤輒自附於龔黃卓魯而居之不疑候之牧吾南和真如古循

吏而其教養之蹟又皆鑿鑿可徵侯則自視歉然若無能者然而吾民之戴之誠有不釋然者用敢徵文以記其本末以垂諸方來差夫昔孟子論王道之成不過教與養二端而已自井廢而民無所養學校廢而民不知教由漢以來王者之迹熄澤竭能修養民之政者千百人中不一二見而况於教乎若侯於南和可謂能盡教養之道而無無愧於民之父母者矣侯故方伯比賢公從子方伯於時為名臣侯少從公業三禮得於家庭耳日之所漸濡者甚久而習其臨民而有父母之心能盡

教養之道固其家法然也兼之縣丞羅本宗典史盧英
教諭趙傳訓導郝輔程匡亦皆能心候之心同寅協恭
以成厥美咸可書也故因堅之請為書以授之

修學記

明呂 梅修撰

南和順德府屬縣在府東四十里學在縣治東南明倫堂翼以文行忠信二齋在天成殿北南面號舍四聯聯五楹在殿西西廡之西南面其前為神厨庠門在櫺星門東南德庚辰吾陝中部劉君尚德宰南和首理宮廟謂古今之制廣皆左學而南和廟門及出庠門之右謂生進自庠門循東廡東墉而北西遠殿之北墉南過西廡之西墉始之號舍自門距號可以里記若且暮及午出入學遠周廟行日六里也劉侯開起鳳門於櫺星門

西為夾道如東庠門之制其北為門東面以通神厨面
增修焉又其北為門東面者四以通四號又其北盡第
一號之地折而東作右角門在學甬道之西西面與在
角門對以通齋及堂當第四號門之東開西角門於廟
西序以通廟而對廟東角門扁東庠門曰騰蛟以對起
鳳門而櫺星居其中不啻在學在也騰蛟門北亦作號
四聯聯亦五櫺皆南面如西號制入騰蛟門以適號其
為門西面者制亦如起鳳門北其東第四號之前滙水
為池以種蓮曰蓮池倉在文行齋之東第一號之北有

墉焉以隔之倉北墉之北為教官之署當明倫堂後之東堂西亦教官之署其南有隙地以屬西第一號自櫺星戟門至殿廡皆鞏礎斂棟根吻瓦咸以次甃新黜墜之師遍及齋庠堂射騰蛟門外之東建與賢坊其西也建育才坊在起鳳門外之西又自城街至村落分建社學七十有八自是和之士有門易進有堂易升有室易入有齋亦齋其心有號易考其業有夫子廟在中易問其道矣復以經立會會有長以會係籍籍有稽以籍定期期有課於是諸生駸駸然蒸義而熏教懷德而問記

呂稱曰候吾閩中世家舉於順天都憲公聰弟刑部主
事仕父先戶部主事佐叔父也候思家學之有源乃欲
行之爾南和候可謂愛縣知家愛士如子弟考與又聞
候為政疏澧水之利崇宋璟之祀息五花佛之異壇墮
備師候館有增徵歛惟則農桑見效徭賦以衡城隍可
守衛署倍新不獨一興學也故諸生深信云

廟學重修記

明 鄒德溥 編修

南和國家三輔地有學舊矣歲久第葺欹漉頽圯縣令鄭君懋洵實始白太守王君守誠議譔新之兩君各蠲俸佐工邑薦紳士庶莫不樂助已張君延庭來代守白君第來代令又各蠲俸佐工乃卒役於是殿廡堂齋門寢祠庫以友師生廨號煥然改飾式麗以鞏而兵憲朱君正色以學友地汗洳築基構魁樓文昌祠于上經始于萬曆己酉秋落成於戊子春終始蒞其事者余年友署教諭事張君憲明也訓導梁君瑞馮君珀寶同之

越二年張君偕其新僚李君實王君炳遣使詣京徵余
記且求所以詔多士者余惟國家建學造士必俎豆孔
子蓋示之憲也然而士鮮克以聖道自任者其弊始于
視聖人太高而內自遜為不可及幾不知聖人之所以
為聖者正以其善與人同也夫使聖人而果不可幾及
則吾不以聖人為憲何者天下惟中庸為至德荀子中
庸少有增加固已涉於人為其於所謂無聲無臭者懸
矣太羹不和元酒不藥而況於德乎孔子大聖惟是庸
德庸言之為兢兢知聖人者莫如曾氏其言曰夫子之

道忠恕而已矣忠恕則豈人之所不能者哉孟氏亦曰
仲尾不為己甚者夫不為己甚已其於自性纖毫無加正
所謂皜皜不可尚者也後之學者不達聖人皜皜之真
翻來所以益之至索之于人所不可與知與能故其務
之愈勤守之愈確而其去聖道愈遠易日易則易知簡
則易從易知則有親易從則有功易簡而天下之理得
矣夫世所見為無異於人者乃聖人卒以盡其性則奈
之何舍此之彼也余故舉以為南和諸士告使務各捐
其宿聞宿見反而點識乎心豁然自會夫聖人之與我

南齊書卷之九
一者夫乃後資深而逢源異日者出而經世行其所無
事錫天下以正直蕩平之福豈同夫役其私智擾擾乎
與世俱敝者哉夫學宮敝滯頽圯數十年猶必待才傑
始繕新之乃千載流習濫溢妄自菲薄謂聖人終不可
學而至此非得英豪之士寧能崛起塵表卓然而自信
乎故起頽舍易起頽俗難難然賢帥帥為諸士倡之無
難也諸帥帥篤意教化又能以意帥先鼓舞不煩官帑
而事集其勞足紀也張君素以身範多士又汲汲乎勦
余言以詔之此其識過人遠矣於是乎記

門候永利碑記

補天功之不足者事之難也捐一朝之勞以為萬事之
佚圖者功之大也故禹功與乾坤俱永姬澤與溝遂偕
流末代苟簡莫克於此聞有循良之吏師古人之意則
亦隨其志之所及而起期民之跋慕或廟宇祀之或指
而姓之各興其所修創相終始若白公之於經召信臣
之於南陽蘇子瞻之與杭是也後世有克任其難而大
是圖者雖未可及即與聖賢之事而一時而心之所歸
亦獨非君子之所嘉與而樂為後世勸者乎順德府者

百泉河自邢臺東南注南和之河頭郭村舊有石橋水
門止二券過水漲溢不能容受至於奔潰怒氣噴風泛
濫有聲謝沙於民田多所墊溺有故渠士民所仰以溉
沃者日就湮寒吏其地者率相習以為難至直不問成
化丁未宣府門候來蒞事信浮政通百隱皆達爰拽石
礪工增廣其橋為三水門以殺水勢而又築堤以豫捍
之繼疏六渠以灌田用是早備澇摧天府不能為之災
利與害除地靈不能秘其實聲隨事彰澤以功流在上
者以為能欲奪治地邑而邑民不忍候之去已也相率

留之既得請且度小邑之不能久蒞候一日或去無以嗣其功者訓於訓導常經輩令老者范英輩道候之績求予記之且言候之振頽起弊類此者若干候其大者則建郭門橋而構棲其上奪所占牧馬場三百餘頃入其獲以贍貧民之補焉者餘皆息盜止訟之實惠候誠今之良有司也不然則簿書其會亦足以塞貴而何以汲汲焉任其難且大者之為慊耶予故樂為之書以告世之為吏者若其民之德候所稱述必欲如白渠蘇堤則有此渠與橋堤在至於後之歲月工之名數樓堤與

渠之天尺及費所自出則虛左方以候民之自書庶得
其詳且實俾後之記河渠者有所考云候名寧字靜之
已酉舉人

劉候水利記

劉候尚德宰南和三載政成考最豈惟廉靜而事久以聲於時如今之謂最賢能者哉疏澧水溉由畿所五十村既大修邑學以振懋其俊秀復建社學七十有八以廣家訓此古之所急而今之所後者非其心有惻怛之識將聲於今者且飾又敦肯惟是不貴者及思邪嘗聞士大夫之入其境者見其闔食稻童子有問禮讓皆羨嘆樂談其事嗚呼北方之水多廢西南和獨溉城市之教或弛而南和之野皆斯邑民何獨幸哉斯是學故民

之愛愛之如父母相與謀曰劉父而以政拔出是棄我也將久則澧水用與否未可知懼夫愈久將其法無後而迹且懼夫劉父之美無所考不紀之石將何以啟後世於是相與圖其水利建置之形庠士輩進狀其事鄉官正紳張鸞來乞辭夫斯人斯政在孔暉尤羨嘆况且常聞諸士君子之譽乎寶欽其風而幸為之記南和者順德府屬邑也西自邢台東南八里有水平地湧出其脉甚多名曰百泉一名渴水一名鴛鴦水經流沙河南入和境是為澧河大旱不涸祈寒不乃東北下冰而入任

縣大陸澤焉是水經南和者舊嘗分六渠之以灌其上
流三渠於不灌者多年下三渠亦淺狹山水時至則漲
雖或民自疏取所獲亦微正德庚辰夏劉候來君是邑
輕徭薄則孰礼尚賢百度共舉則循行郊野舍于澧水
橋之旁遡源察宜迹其向背曰我知之矣若開其渠口
以防山水之肆使由河中行則渠可以不涉旱則啟以
灌度幾灌水或可以永為利乃召民衆諭之曰我欲用
而力於水以為而農畝蓋若何僉乃稽首謹曰唯唯惟
分命於是乃大深六渠而潤之創六閘厚基之以石而

孰其上高二丈橫二丈有奇門高九尺廣九尺啟閉有
度堰其上以當水衝樓其傍附以屋以便巡察各擇有
行之老掌籍度田量時待引遠近織悉綜理維周肇王
于是年之九月越月後望二日告成矣其制自城西上
流二十里河之陽近大賢鋪閘其渠曰均利又循而南
而東數里河陰之岡頭閘曰均濟是近于張相相其地
有張賓基又轉而北閘曰均惠是澧水橋之南去城西
十里者又橋之北八里於小戶村橋閘曰通濟又其北
迤東閘曰通惠又其北迤東閘曰通利則澧水如出南

和之境而北下六閘既固六築乃通其制則均利閘引
水東北溉村曰南豆曰北豆曰康莊曰南李曰北李曰
康惠屯曰東賈郭曰西賈郭曰韓村曰張路曰郝村者
去城西而北二十五里焉其均濟閘引水而南而東溉
村曰岡頭曰孔村曰臺上曰縣南曰范家莊曰王家莊
曰縣東鞏家莊是遶城南而東下者其東南則去宋臺
而近唐相宋璟家也其均惠閘引水而東而北溉村曰
北河頭郭曰南河頭曰馬莊去城西三里是元尚書馬
亨宅曰西韓乃遶城北而東下曰東韓曰新寨曰三官

店曰李趙曰焦家莊曰冀家莊是烈女范氏也死節處
其通濟閘引水而東溉村曰西候曰東候曰張曰李曰
子曰岳曰營兒里曰小林曰大會塔曰豐化曰薜家屯
去城北而東則十三里其通惠閘引水而東溉村曰三
張曰南師曰邵寧屯曰小寺曰武曰白佛店去城北而
東二十里其通利閘引水而東溉村曰賈宋賈宋村在
其西北而遠而曰則在是凡此類者亦以村記欲不遺
水之功且以備稽也曰祿王曰祁曰北師曰駱駝木曰
杜斗杜科者任縣村也多南和民地其利則與任人共

之六渠既通四境多沃用水三年民則大裕果爾客潦
橫溢渠不告涘春夏久旱民不告饑故俗稱小江南嗚
呼盛哉昔西門豹為鄴令其賢也漳水在側而不知用
其後史起以為仁智未之盡遂水鄴田以富魏之河內
萬世稱之夫今猶是漳水在也又孰有智且仁如起者
用之哉宋太宗漚化之際何承矩屯田河北於雄莫霸
諸州與塘六百里行積水于田且兼有莞蒲魚蛤之饒
方其初議也後兵萬八千人難而沮之者衆武臣又耻於
營葺及水利既與而厚囂始定然則豪傑之見豈不

千萬於人哉當是時其地迫于契丹而承矩猶不憚為之今為京師近地霖雨泛濫常沒數百里竟莫有復承矩之迹者守者坐視過者長嘆而已吾惜夫劉侯智且仁小其試而無承矩之權吾病夫斯民多承墊者而不得若南和二三赤子之獨飽也其他水棄而不害者又

奚暇論

尚和縣志卷七十二

藝文

顏碑彙刻序

國朝蕭震本府推官

孔子曰聽達音者聞其疾而不聞其舒望達人者察其貌而不察其形立乎定哀以指隱桓隱桓之日遠矣夫一姓之君世系所傳國史所載未達也然二百四十餘年中天道變於上而屢遷矣人事盡於下而屢變矣蓋日月之不居而典型之俱遠也况乎上下千載理亂相尋干戈疊起徒索古人於荒烟衰草斷碣殘碑之間者

哉予少時見顏魯公請帖率不能辨真偽何也遼故也
順治丙申來理邢州明年春過沙河得閱公所書宋文
貞公神道碑銘與予少時所見絕不類其庭前人有碑
書公姓氏循其旁有記為宋范致君倣公書者予少時
所見多類此因是而嘆今世所傳諸墨蹟其真者固多
其如范致君類者亦不少何也遼故也按唐興元元年
公年七十有七死於李希烈之難是碑立於大歷之七
年時年六十有二碑側記書於大歷之十三年時已七
十有一公晚年書益壯文益醇誠屹屹乎鼎彝之貌而

煌煌乎鐘呂之音也曾南豐先生言公學問文章往往
雜於神仙浮屠之說不皆合於理及其奮然自立能至
於此者其天性然也予意南豐所見大都多寶塔等篇
耳倘讀宋文貞公碑銘當以公為何如也今流風雖遠
筆墨猶傳凡觀是碑者皆當肅然而起想見公之英烈
相與學為忠貞而耻為浮白則謂公至今存可也尚何
古今之人不相及而千百年之遽遠耶予又按魏文貞
公徵宋文貞公璟劉文貞公秉忠皆邢人也邢之人又
曷思所以卓然表見如三文貞公者以仰副今

天子作人之盛乎予將禱祀而求之矣因弁其端如此

重修圓通寺碑文

南和順德屬邑邑東三十里許舊果寨村圓通寺在焉
按寺碑元太保文正劉公秉忠創之者元季燬於兵
明興天順改元寺僧曰昌會嘉靖改元僧曰祖隆相繼
重修建今隆慶丁卯歷年滋久修者復墜僧續資者又
重修之自延壽以及天王伽藍祖師諸殿固不鼎新翼
翼闕闕巍巍濯濯遠邇快覩矣其徒胥慶曰盛事也宜
泐諸石乃介開元寺僧惠同鄉耆王會者請記且曰釋
氏為教明興不廢斯寺又元太保文正劉公所創文

正邢人也與公同邑又先達名卿公固不崇釋獨不念先達之遺蹟乎固諾其請夫釋之道性釋氏之徒明之釋氏之宮惟釋氏之徒修之儒者蔑事焉文正劉公嘗釋師虛照禪師居天寧寺厥以後海雲薦得事世祖於藩邸載稽元史世祖治天下大經大法若定朝儀頒章服建國號定郡邑率多文正謀猷然則公致用固儒者勳名所積將年蕭張而匹房杜矣斯寺之建也或者公以故嘗從釋氏教祿位崇顯為元勳稱首故建寺以報本如後人福田之說與昔韓愈氏有言人固有以儒名

墨行者問其名則是校其行則非亦有墨名而儒行者
問其名則非校其行則是夫文正公始而從釋釋名矣
所嘗庸心力者乃天文地理周易象數邵氏皇極等書
則儒行焉中而冊授光祿大夫太保叅領中書省事儒
名矣又復蹈釋之行焉嗚呼公殆學儒釋如老子之兼
所以為龍而不可與要者乎不然元氏崇釋卑儒公姑
以所崇者為筌以售經綸之蘊及其功成名遂不復叛
之使天下之已疑也如留侯之知焉昔留侯始而受書
黃石以附風雲終而從遊赤松以遠繳繒踪跡詭異不

可測識大抵古今高識之士所見畧同非後世可輕訾
議者余之生後公且三百年嘗遊天寧寺讀虛照禪師
碑俯仰今昔思見公而不可得又嘗是燕都過蘆溝之
陽都公仲徒見公高塚在蓁莽間又嘗讀藏春集知公
逸襟曠度駕宇內包環海不為世所縛為位所束吁公
真偉人哉斯寺廢興遺跡彰微係矣續資之修其有慕
於公哉余嘉其志因辯公之行以為之記俾天下後世
覩斯記者庶幾知公之心不惑於釋續資之志不徒於
明釋之道而余之記之非有私於鄉之先達也

賜進士第中憲大夫兼都察院右僉都御史奉

勅巡撫宣府南京都察院右僉都御史 趙孔昭撰文

邑侯周公疏濬澧河碑記

王 鈇
舉邑人

南和城南澧河自西而來蜿蜒於境內者南六十里以
滙於大陸澤其源發於邢臺之百泉經大廠村西北入
沙河北祝村北至段家庄東南交縣境辛莊西南界其
旁支為狼溝由邢臺之小廠村北漫流至沙河北祝村
始成渠經善不村西入縣境左村西南界又經疇瓦固
村西北至王家庄與澧復合為一河形雖在而遷徙不
常亦難問其故道矣自沙河之水歧而為二其南支由
離澤韓固村流入邑之宋家庄以達於任縣之駱庄北

支則故道已湮今自辛莊直衝入澧再衝而入狼溝三河橫流一遇秋水浩瀚奔放沙隨水至水去沙存膏腴變為瘠壤廬舍化為邱墟元郭守敬所謂澧河失其故道沒民田千餘頃者疑或此歟民受其害者不知幾何年議䟽議濟者不知幾何人但好逸者但知惡勞樂終者難與圖始此所以廢墜日久而其為之興舉也今天子神聖文武度越往古愛養黎元時繫

宸衷曰功永利更切咨籌以州縣牧令為親民之官特加選擇焉乾隆三年春江津周公奉

命來宰是邑凡所以宣布

朝廷德意以教養斯民者無不備至尤念和邑愛澧河之害比歲不登思所以安今之爰集我紳士父老共謀開濬之究其源流考其要害上其事於 制憲孫公請於

朝發帑金若干兩興工代賑循故道就形勢疏濬開拓各相其宜寬六丈深六尺兩岸堤埝共一十二丈自磚瓦固村東至郝橋西共四十二里我公朝出暮歸日雜於民夫畚鍤之明經營勞瘁殫此心力自乾隆五年春

正月迄夏四月而厥功告成自此秋水漲發暢流滯滯
滂不為災民食其惠向之嘆流離嗟鮮食者今則登衽
席樂豐亨矣惡勞者方與共之逸圖始者且與之樂終
矣舉歷久之廢墜而振興之成效立覩安見其為難也
使非公之善籌畫肩鉅任以實心利濟斯民何能臻此
紳士父老謀立石以頌公之德公聞之辭曰斯河之濬
也上費 國帑下勞民力達下情宣上意吏之職也又
何德之足云余曰

聖天子勤恤民隱特發庫藏以奠安斯邑之民孫公體

天子之意為民請命此

皇恩浩蕩 憲德汪深也烏可以不紀斯河之源流久
湮得公考覈之俾形勢瞭如指掌疏濬工程既繁且大
而興工之月告成之期關乎一邑之利害又烏可以不
紀至公之德澤自在人心且將銘諸肺腑傳之無斁又
豈獨勒之貞珉哉也公又奚辭公諱章煥字蔚陶號梅
軒四川重慶府江津縣甲午科舉人

重建和陽書院碑記

周章煥

余既治和之十有二年如能舉和陽書院而修建之蓋自余蒞任之初水旱相仍民多失業必求有以安全之而後可及於學舍也比年來時和歲稔己巳夏四月乃尋其舊基而昔所謂之書院者在縣治西舊為太僕寺行署今已作倉斛不可更矣爰進邑之紳士而與之謀僉謂治東不數武昔為御史行臺今雖傾廢而地勢閎敞遺址可尋尚有堂五楹葺之可復完好就地肇建寶為允宜於是鳩匠元材募二赴役罔弗應者經始於孟

夏中浣迄十一月上旬講堂五楹東西學舍各三楹大門前房十一楹先後告成施以丹堊仍顏其額曰和陽書院靡金六百兩未斛延師就館招諸生百肄業其內捐置束金籌畫膏火規模粗備又將增建前廳門垣物料已儲適予調任吳川事未及竟而去余於和人士不能不惓惓於懷也余以謏劣之才蒞茲十有餘年民心其果孚歟政事其果協歟上意其果宣而愧者也若夫盡此心斯盡此職則又余朝夕敏遑而不敢少懈者焉余遲之十二年之久始仍和陽書院之舊名而新建之

甫修而旋去和人士其必有諒我矣後之人踵而行之
將見人文蔚起楨幹

王國儲棟梁之選者端在於是余雖去而夢魂猶依依
於此也故直書其事而記之董其事者縣尉山陰馮宗
豫紳士劉禮王鏞陳定張汝堪陳臞

著書

梅花賦

詩

宋璟

朔方奏議

赤牘編年

練兵新法

涉世雄譚

徵仕錄

清福錄

朱正色

三邊奏議

無陝奏議

四

六葉

李起元

諫草

撫鄭奏議

李若珪

坦園吟

白儲

晚芳

齊草

白鯤

蓬蒿園草

散木山房稿

張應誥

奉芳館集

客子漫吟

岳樓草

筠雪堂集

周宇泰

隨菴遺稿

張九潭

崇勤儉文

畢禽辨

楊元芳

介魚築

刁履和

頤中堂

集頤中堂二集

嚴陵詩選

楊結芳

易山堂詩文集

文斷 邢詩選 邢詩續選 張樞 張仲子集 張楷

葭里集 野嘯堂文集 邢詩選 邢詩續選 周鑄

世德堂草 世德堂雜著 張樞 四書題意便覽 路達

粵遊草 鄭之 鷺鳩草 張壽 筆峯山人草 張點 四書陋

解詩草 楊潤 素業草堂集 讀易省躬錄 張熊 歷代史

畧 鞏詰 學步草 課餘草 張烈 鶴亭詩草 周源 素言

草堂詩文集 黃石山房酷語 張汝 無平山房草

秋岡雜著 呂深 電窗詩文草 鞏曾

南和縣志卷十二 終